



KOMUNIKADO PA PRENSA

E FACTORY ACCEPTANCE TEST DI E RADAR NOBO A WÒRDU FINALISÁ EKSITOSAMENTE

Resientemente Direktor di Servisio Meteorológiko Kòrsou (MDC), Dr. Albert Martis, den kompania di señor Haime Pieter, Hefe di Departamentu Tékniko di MDC, tabata di bishita na Vaisala, fábrika ku ta traha radar na Helsinki, Finlandia.


Sigun e kontrakt ku a firma na desèmber último, e representantenan aki di MDC mester tabata presente na momentu ku a harma e aparato aki i a tèst e tambe. E asina yamá *Factory Acceptance Test* aki a tuma lugá luna pasá i e tabata eksitoso. Despues di esei a firma e dokumentonan konserní. Na kuminsamentu di e luna aki a desmantelá e radar bèk i a kuminsá prepará e aparato aki pa transporte pa Kòrsou.

Transporte ku bapor di Finlandia pa Kòrsou lo dura mas o ménos un luna i ta spera ku na yùni próksimo lo kuminsá ku instalashon di e radar riba Seru Spelònk, kaminda ku e radar bieu tabata situá. Ora ku tur kos ta kla, lo tèst e radar nobo un biaha mas, huntu ku representantenan di Vaisala, pa wak si tur kos ta funshoná sigun e spesifikashonnan ku tin poné den e kontrakt. Mas o ménos un luna despues e radar mester bira operashonal i tur usuario lo por haña aksesu na datonan di e radar nobo aki.



Señor Albert Martis (mei mei) inspektando e radar nobo den kompania di dos representante di Vaisala.

Mas ►



Un empleado di Vaisala (mei mei) ta dunando splikashon di e radar nobo na señores Haime Pieter (man robes) i Albert Martis (man drechi) di MDC